

# Хөөчнр өөдән даалгъвр авцхав

Шидр Яшкульск района, «Гашунский» совхозин хойрдгч фермин клубт, района хөөчнрин конференц болв. Тер конференцин көдлмшт 50 хөөч болн нань чигн кесг олт малд көдлächнр орлцхав.

Эн конференц «фермс мал үвлзүүлгънд ягъдж белдгдснә тускар фермсин залгчнр Н. А. Пономаревин, И. Э. Шараповин, Г. М. Коокуевин докладмуд сонъсдж, күүндвр кев. Эдн үвлин белдврәр күүцәгдсн көдлмшән тодрхагъар келдж өгцхäv. Хөөчнрин бригадмуд нургълдж хаша-хаацан, малин үвлә хот-хоолан болн услврин усарн теткдв.

Болв совхозин зәрм фермсәр үвлин белдврт зөвәр ик татус чигн дала бәәнә. Улгүрнь, малин үвлзньгүр зөөгддж овалгдх 6 мингъгн тонн өвснәс күүцәгдсн зуг 2 мингъгн 700 тонн. Эн джилин 10-н сарин эргцд эн совхозар үксн 2 мингъгн 950 хөн. Тер тоод икәр гарутсн хойрдгч болн гурвдгч фермс.

Увлд ик цасн орад, шуургън шуурхла малин хаша-хаац цасар даргдж одна, тер төләд малин кошармудин өөгүр хулсар хаац кегднә, эн көдлмш кесг хөөчнрин бригадмудар, хулсн зөөгдәд уга болсн учрар, күүцәгддхәш.

Эн конференц деер босдж үг келсн хөөчнр үүрмүд Сухов, Бериков, Мукашев, Сабиров болн Чонаев хөөнд көг тәвлгънә көдлмшинн дамшлтар болн малин үвлд белдврин көдлмшәр тодрхагъар келцхäv.

Ах хөөч үр Суховин бригад, хаджугъас дөнъ угагъар кошармудан болн теплякүдән

шалддж, дотлар цагъалгъв, үвлзньгүрн, май сард хадгдсн 90 тонн шимтә сән өвс зөөдж овалв. Ах хөөч Мукашевин бригад теплякүдтән куучкс болн оцаркс бийсинн чидләрн кедж, бүклднъ белддж, үвлзньгүрн 25 тонн өвс зөөдж овалв.

Хөөчнрин бригадсар эд-тавр, шикр-балта, гуыр гүүлтәнә көдлмш ик тату гидж үр Мукашев келдж, рабкоопин гүүлтәнә отделин заведующ үр Лазаревас чангъг неквр кев.

Эн конференц деер совхозин директор үр Дровалев болн Яшкульск районн күүцәгч комитетин ахлач үр Хадеев В. А. босдж үг келцхäv.

КПСС-н ЦК-н ноябрьск пленумин көдлмшин дигәр болн хөөчнрин цаарандн кедж күүцәх көдлмшәр КПСС Яшкульск райкомин негдгч сегләтр үр И. Ф. Азыдов доклад кев. Энүгәр босдж үг келсн хөөчнр үр Хрущевин докладин тезисмүдиг икәр таасцхав.

Эн конференцин хөөчнр шин өөдән социалистическ даалгъвр авч, социалистическ дөрлдәнд «Лиманный» совхозин хөөчнриг дуудв.

Түүнә хөөн, конференцд орлчачнр, эн хойрдгч фермин түрүн нүр эзддж йовх хөөчнр үүрмүд Зургъановин, Суховин болн Долгаевин үвлзньгүдүр оддж, тепляк, кошармудин хәләдж, экскурс кецхäv. Цуг хөөчнрт болн үкрчнрт эн конференц ик гидгәр таасгдв.

**В. АЛЕКСАНДРОВ.**